

沅陵縣志卷五十

雜識

湖北上游有五溪水經注以爲雄溪櫛溪酉溪澧溪辰溪是也土俗雄作熊櫛作朗澧作武今考諸地志雜書蓋其源有出於酉陽石隄蠻界流經辰州府城西爲北江者名酉溪有出於銅仁蠻界流經麻陽縣城南爲錦江者名辰溪有從湖南界城步縣巫水出流經關峽而下爲若水洪江者名雄溪有出自鎮遠界流經沅州城西而下爲盈口竹寨江者名澧溪有出於靖州西南黎平府流爲亮寨江者名櫛溪此五溪也俱各下入於沅大

沅陵縣志

卷五十

雜識

一

抵沅爲五溪正派首先受櫛次受澧次受雄又次受辰最後受酉而通稱之曰沅世傳春秋時楚子滅巴巴子兄弟五人流入五溪各爲一溪之長至秦昭襄王伐楚取其地總謂之五溪蠻故自來五溪之間頗與巴渝同俗如隋地理志所云者至今猶然杜甫詩水散巴渝下五溪又可見五溪本與巴渝錯壤也又世傳櫛澧雄辰酉五溪之外別有龍溪叙溪桂溪姑勿論也惟五溪之名酈道元以爲土俗澧作武謂是一水耳考之他書及一統志則瀘溪縣西別有武溪且有武山溪自山出卽今鎮筵蠻界之間二水合流而下至瀘溪縣治前入於

沅江者是也故五溪水驛置於此然此溪去澧水絕遠  
原委各異豈水經注亦或未免有差耶

渠陽邊防考

馬援爲武陵太守有蝗援振貧窮薄賦稅蝗入海化爲魚

蝦

廣博物志

元嘉初武溪蠻人射鹿逐入石穴纔容人蠻人入穴見其  
傍有梯因上梯豁然開朗桑果蔚然行人翱翔亦不以  
怪此蠻於路斫樹爲記其後茫然無復彷彿

異苑

寶應中西陽人見釣魚師有魚腦貫黃文愛而買歸食至  
脊上出金釵一隻長六七寸

馮纂記事珠

辰州有射豬者入石室見老翁問何故射吾豬對以傷禾

沅陵縣志

卷五十

雜識

二

翁卽呼一童責之曰何不謹門令豬出射豬者問翁是  
何人童子荅曰此河上翁帝使爲諸生講易我卽王弼  
受易未通遂罰守門

窮怪錄

大江之南蘆荻之間往往燒起睡龍朱梁未辰州民向氏  
因燒起一龍四面風雷急雨不能撲滅尋爲煨燼而角  
不化瑩白如玉向氏寶而藏之湖南行軍高郁酬其值  
而強取於時術士曰高司馬其禍乎安得不祥之物以  
速之俄而被誅

北夢瑣言

沅陵人歲以採葛爲業因呼葛爲大戶元時有向元和爲  
邊將入朝云辰州所恃者惟葛大戶人多駭之後黃國

寵作葛大戶傳文甚煩不悉載

舊志雜記

秦襄毅公年譜景泰七年年三十一在北溶構茅屋三間  
題其匾曰安遇日讀五經三史日夕泛江以漁釣爲樂  
又於軒前自題聯云處困而亭有言不信予爲御史時  
量褊不能容物由此一滴器量漸宏去就漸輕識趣漸  
明雖一時謫官而終身得受用天未必無意也

通志載麩金出沅陵沅州辰谿溆浦黔陽自薛文清瑄因  
地皆絕產奏免之至嘉靖二十六年仍行采取參政游  
震得復奏免至若水銀銅鉛石青石綠梗楠異材皆產  
苗徼深山廣谷中而辰州故無也

瀘溪雜識

沅陵縣志

卷五十

雜識

三

楠木洞稍前絕壁之上石縫中有船長可八尺許俗稱仙  
人所留沉香船也古人置船於百尺之上峭壁之中此  
意殊不可解以愚見測之前從軍西蜀時見攻洞者洞  
口在懸崖崖上廣而下削無策可登乃製小船繫以巨  
索從崖頂縋而下與洞相對乃破之此地石崖構木比  
比如是若非當年建屋之船卽後來破屋之船也今瀘  
邑亦有牀機崑崑孔中置一牀一機牀與機亦載人之  
具也請以質之識者

滇行紀程

沅陵唐天甯名九官明末歲貢甲申後隱於詩著澹遠軒  
詩草嘗見其題澄觀上人畫一首上人畫山先畫勢上

人畫水先畫意須臾畫出山水圖澎渤崔嵬隨筆至畫  
一草堂萬卷書畫一居士識奇字畫蘭有香竹有聲烟  
樹流雲生奇異講師再畫千里驥遂我生平四方志閒  
來更畫蓬萊峯中有真人欲隱去又有爲澄觀上人紀  
罵一首吾鄉御史驄馬名曾彈權相著風聲我師不合  
怒怦怦金繒盡却絕交迎御史拱玄師目瞪埋輪不懼  
滿座驚鼎吾公子重交盟文章聲氣動帝京生平肝膽  
向師傾珍師隻字如玫瑰黃金揮糞裘馬輕執轡高風  
繼信陵富兒貴介走如蠅爭欲延師致百繒吾師麾斥  
鄙無能觀二詩是僧絕可人得此詩亦可以不朽矣天

沅陵縣志

卷五十

雜識

四

甯又有讀袁石公鍾伯敬譚友夏并七才子集一首鍾  
譚汰我情絕不期其肖石公筆欲語舍去尋幽妙七子  
雖博雅苦乏空靈調三公振楚澤矯枉極其峭山幽雲  
水間靜者發微嘯性情經淘濯宿病息以療披卷清風  
生寒月澹相照既玄亦復韻學之戒輕窈詩格清老矯

矯拔俗

香焦詩話

嘗見一牛渡河岸陡數人挽之不得上一婦以兩手持其  
前兩足曳之起聲色不動又於辰州道上買虎皮一張  
云虎攫所畜母彘妻追之虎釋彘撲婦拳毆斃之衆以  
爲奇又云妻往年曾連斃二虎豈特一虎耶衆中有識

之者曰果然 見聞錄

王阮亭尙書漁洋集中有武溪水詩云南紀標銅柱滔滔  
萬里征我窮伏波道重和武溪行斜日聞吹笛誰爲爰  
寄生因思少游語回首不勝情阮亭曾奉使廣東未嘗  
至湖南或廣韶間別有水名武溪附會於伏波阮亭未  
深考耳阮亭又有伏波祠詩云萬里功名銅馬式五溪  
滛潦站鳶時此伏波自叙在浪泊西里間事與五溪不  
相涉阮亭牽合爲一亦誤也 瀘溪雜識

離騷沉芷今山谷中甚多皆曰蘭其花有紫白青色白者  
最香種分四季以秋爲良長葉叢莖與建蘭同城中無

沅陵縣志

卷五十 雜識

五

不大盆供之者康熙中楊尉之昌愛蘭手自植朝夕培  
護每春日遣人採取滿船載歸擇其尤者植之几席間  
芬芳襲人題其署曰雲綺一日令長知其最勝者舁之  
去尉懊悔數日遂不復言蘭事按芷香草也騷言沉芷  
澧蘭究無甚辨 舊志雜記

辰沅道中緣江皆峭壁高可百丈避兵者以修綆繫腰從  
山巔縋下距江面數十丈許度火攻弩箭皆不可到遂  
於壁上鑿孔以巨木橫貫之卽於此木之上縱橫間架  
欄楯繆葛飛簷承雷房廊四起鄰里交通殆成阡陌從  
江中逆數而上正得八十三層最上層距山巔亦數十

丈虛無縹緲雖海市蜃樓無以加也

王阮亭隴蜀餘聞

辰俗巫作神戲搬演孟姜女故事以釀金多寡爲全部半部之分全者演至數日荒誕不經里中習以爲常縣學教諭向兆麟有神巫神行云汝有病何須藥神君能令百病却汝祈福有嘉告神君福汝萬事足走迎神巫吹角鳴鳴巫來降神牲醴具陳牽羊執豕神其至止殺豕封羊神保是康坎坎擊鼓備極媚嫵神憑巫語汝翁病行愈錫汝以純嘏拜送神巫剛出門阿郎哭爺已聲吞走過東鄰還歌舞今年高廩富禾黍明年多財復善賈事事稱意惟憑汝願唱一部孟姜女

舊志雜記

沅陵縣志

卷五十

雜識

六

沅陵學宮碑記康熙乙亥岳宏譽撰記云明嘉靖中大學士張璫奏文廟塑像類異教請更木王諸道如其議時論躉之獨楚沅陵將易之先日設饌致祭香煙騰空吐竭誠饗祭四字衆以爲異遂不改云

山史衡鑑

宋伍貫卿居沅陵家有李花一株月夜奴婢遙見花作數團如飛仙狀上天去花上露水倏然如雨數千點花亡矣

樞要錄

秋坪新語云余侍先大父自滇入覲舟行沅陵江中水碧如油兩岸青山壁立萬仞雖猿獠所不能攀援下瞰江波最嶄絕處見如木櫝者參差懸綴約以十數櫝閣闢

不一或如書牒風翻或微塵簸出若灑掃之傾棄其土也仰觀之皆高不踰尺舟人曰此仙人屋也山青水碧中塵世斷絕仙靈寄跡理或然與伯兄積厚有句云石室雲中出仙人或此居誰能探絕頂秘錄一傳余

秋燈坪新

語

姚華璋幼失怙事母極孝朝夕不離母側每晨起必肅立母榻前詢夜來安否冬夜必先臥母榻俟溫而後請母寢家綦貧咸豐十年母強之從軍華璋囑兄善事涕泣而別入霆營以功保副將賞戴花翎給懋勇巴圖魯留於湖北補用旋辭歸養母歸則以小貿易爲生計日罄

沅陵縣志

卷五十

雜識

七

所得以供甘旨每與人鬩兄以母命止之雖盛怒必趨侍母側有勸之仕者對曰博祿以養母亦計之得然必先離母脫有不虞悔何及吾以小負販博蠅頭供蔬水足矣聞者彌敬之鄉人稱其孝無間言其母年八十餘今尙存華璋年僅三十許云

老龍洞在烝魚溪中秋山之側相傳有符姓子年十二牧於溪澗倏見雲霧中火光燦爛有巨魚吐一珠墜地拾之玩弄誤吞入腹歸卽絕飲食居洞中一日別母言上帝勅兒鎮武陵德山河道今將往矣洞旁故有菴其寺僧亦於是夜夢符告曰吾龍也今赴德山子盍爲吾誦

金剛經以爲餞僧如其言誦甫畢忽聞霹靂聲震陵谷  
溪水陡湧山亦奔裂惟菴無恙急視洞中已無迹矣後  
有人於溪內常見老翁貌殊岸異爲病者求方無不靈  
效今洞內常有洪水湧出人皆知老龍返故鄉也

虎谿山龍興古寺有千佛袈裟一襲朱面黃裏佛長約寸  
八分寬約寸三分計千數俱五色絲繡成爲明隆慶間  
李太后鳳嬌繡咸豐二年大興劉寬甫郡伯索觀恐其  
渝敝爲函藏之并題四截句鐫函面茲錄其二懿旨齋  
來啟道場幾多礦稅大貂璫如何尙記茗華字却記衣  
傳是李唐寺僧訛傳唐李鳳嬌太后名繡一絲功德一微

沅陵縣志

卷五十

雜識

八

塵多少璇閨繡佛人記向長椿觀麝幘斜披騎鳳九蓮

身

京師長椿寺有九蓮菩薩畫像卽李太后像披千佛衣

姚華瓚字瑟菴太學生世居浦市壽終八十一歲性爽直  
工著作尤邃於易卜筮最精著有六壬續集卜易正斷  
諸書藏家待梓亦一時奇人也宜其嗣煌遊泮食餼以  
收報

胡友朝邑之白霧坪人年八十六病故於河南衛輝府汲  
縣生性孝友最仗大義本邑火種刀耕向稱瘠土嘉慶  
年間忿採買兵穀過重有害民生兩次挺身京控破家  
不悔犯除弗懼致耄年客死於外歸葬維艱良足哀矣

後幸 恩減定規以蘇民困應推首功實受厚賜誠我  
邑之烈士也詎可沒其生平

志書告竣予再三披閱而有感焉邑肇自漢迄明始詳其  
間千餘年之記載缺如矣而邑之纂輯猶遲至

國朝康熙時也茲幸重修附語卷末昔張邑丞子登之遷  
建縣學也辨方正位學由此興近汪大尹尙濱之移文昌  
閣庶幾追縱往哲者乎石別駕萬有之防禦流寇也預事  
圖存賊不敢入後汪太守習之之禦長髮賊庶幾接武前  
賢者乎義倉始於汪郡守彤甫成於雷郡守震初政在養  
民如合轍焉書院修於陳郡守桂堂擴於方郡守彥和振

沅陵縣志

卷五十

雜識

九

興文教有同心焉同仁堂之救嬰李星樓學博之仁術也  
至雷太守震初建育嬰堂而仁恩以廣水龍局之救火沈  
墨莊太守之善政也至劉太守詠如籌水龍費而本貲愈  
充李蕃樓明府來縣勤於治民薄於奉己而縣無匪黨亦  
無博徒王定甫大令治邑明於聽斷密於稽查而邑無冤  
民且無滯獄豐備倉勸自劉太守寬夫繼之以積穀而政  
全備荒救生船置於劉太守詠如兼之以義渡而民不病  
涉此固百數十年來官斯土而有功德於民者也及夫向  
廷柱備文章著作傳之後人洵無愧於科第唐永彰舉孝  
友端方詳其宦績允合頌爲神君羅廷弼以武甲傳臚而

士門冲之捐生克全忠義蕭開甲由武勲開闢而廬州鎮之就死備荷旌揚爲橋二十有六爲灘七十有二潘正琥之善行慰母心也廖公被有子繼廖公服有子續廖尙選之義行承父志也石金姑未嫁而拜夫靈留事翁姑卒自縊於另欲議婚之日吉蓮姑未嫁而傷夫逝留養父母卒完貞於白髮處子之年羅廷梅之元配周氏勸夫置妾殺己身以動夫聽梅乃續梅氏女而生子克家張王春之繼室楊氏爲夫報仇持賊首以奠夫靈身遂撫妾氏子而持齋終節此亦百數十年來生斯士而卓有可表見者也至若兵穀之採買章程定而民樂於奉上從公學額之增加

運會隆而士勉於通經致用此又宜備登新志用以卜我國家億萬年無疆之休者也同治十二年月日修增祺跋